



NOW YOU SEE HIM NOW YOU DON'T: JOSEPH KASELLA BANTU MKASA WA PICHA YA WAASISI WA TANU 1954

Miongo minne iliyopita...

Hiyo makala "Now You See Him Now You Don't," yenye jina True Muslim huyo ni Mohamed Said. Makala haya yalichapwa kwenye jarida la New African (London) June 1985. Baada ya makala hii sikuficha tena jina langu. Hii makala Ally Sykes aliisoma na ilimgusa sana moyo wake. Sasa nilikuwa nimemueleza mwanae mmoja kuwa nimeandika makala hiyo na yeye akamueleza baba yake. Ally Sykes akamtuma mwanae aniite nikamuone. Hii ndiyo siku aliyonihidi kunionyesha Nyaraka za Sykes.

Katika makala hiyo kuna picha mbili za waasisi wa TANU.

Picha moja yumo Kasella Bantu na nyingine hayumo. Katika ile picha ambayo hayumo ile ndiyo picha yenyewe halisi na katika picha hiyo Ally Sykes, Tewa Said Tewa na Kasella Bantu

walikaa pembeni kuhofia wasifukuzwe kazi na serikali kwa kuasisi chama cha siasa. Kasella Bantu baada ya uhuru akapachika picha yake kati ya Abdulwahid Sykes na Dossa Aziz ili aonekane kuwa na yeye alikuwapo siku ile TANU inaasisiwa. Hapa ndipo lilipoanza tatizo la picha hii ya waasisi.

Katika kitabu cha maisha ya Julius Nyerere kuna maelezo ya picha hii lakini inasikitisha kwani yamekosewa. Tatizo limezidi kuongezeka. Huu ndiyo msukosuko wa historia ya TANU na kupigania uhuru wa Tanganyika.

